

გენერალური ხელშეკრულება № S 201403/001

ქ.თელავი

„05“ მარტი“ 2014 წ.

ჩვენ, ქვემოთ ხელის მომწერნი, ერთის მხრივ შპს „ბუნებრივი აირი“ (შემდგომში: „გამყიდველი“), წარმოდგენილი მისი დირექტორის გიორგი ქართლელიშვილის სახით და მეორეს მხრივ სსიპ „თელავის მუნიციპალიტეტის სოფ.კისისხევის საჯარო სკოლა“ (შემდგომში: „მყიდველი“), მისი დირექტორის ლიანა ერგემლიძის სახით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საგანს წარმოადგენს გამყიდველის მიერ მყიდველისათვის საავტომობილო საწვავის (ბენზინის, დიზელის) მიწოდება (შემდგომში - სერვისი).

1.2. სერვისის მიწოდება ხორციელდება ტალონური სისტემის მეშვეობით, გამყიდველის ავტოგასამართ სადგურებზე.

2. სერვისის ღირებულება და ანგარიშწორების პირობები

2.1. მხარეები წინასწარ ათანხმებენ სერვისის ღირებულებას, რაც აისახება შესაბამის მიღება-ჩაბარების აქტში ან/და სპეციალურ საგადასახადო ანგარიშ-ფაქტურაში.

2.2. მყიდველი წინასწარ იხდის ყოველ ეტაპზე შესაძენი სერვისის ღირებულებას საქართველოს ეროვნულ ვალუტაში - ლარში, ან/და შესაძლებელია კონსიგნაციით, რომლის დროსაც სერვისის ღირებულების დაფარვა მოხდება მხარეთა შორის ტალონების გადაცემის თაობაზე მიღება-ჩაბარების აქტის ან/და სპეციალური საგადასახადო ანგარიშ-ფაქტურის გამოწერიდან არაუგვიანეს მომდევნო ერთი თვის განმავლობაში.

2.3. გადახდა შესაძლებელია როგორც ნაღდი, ისე უნაღდო ანგარიშწორების გზით.

2.4. უნაღდო ანგარიშწორების დროს გადახდის თარიღად მიიჩნევა გამყიდველის საბანკო ანგარიშზე თანხის ჩარიცხვის დღე.

2.5. ტალონური სისტემით საწვავის მიწოდებისას საწვავის ფასი შეიცავს ყველა ხარჯებს, რაც დაკავშირებულია მის მიწოდებასთან, მათ შორის შენახვის ხარჯებს ავტოგასამართი სადგურებიდან მის გაცემამდე.

3. სერვისის განხორციელების პირობები

3.1. ტალონური სისტემით სერვისის მიწოდების განხორციელებისას გამყიდველი მიღება-ჩაბარების აქტით ან/და სპეციალური საგადასახადო ანგარიშ-ფაქტურით გადასცემს მყიდველის შეძენილი საწვავის შესაბამის ტალონებს. საწვავის ტალონზე აღნიშნული უნდა იყოს გამყიდველის ლოგო წარწერით „ბუნებრივი აირი“, ტალონის ნომერი, საწვავის სახეობა,

საწვავის რაოდენობა. მყიდველის ტალონით სერვისი განხორციელდება ტალონის წარმომდგენ ნებისმიერ პირზე. მიღება-ჩაბარების აქტით ან/და სპეციალურ საგადასახადო ანგარიშ-ფაქტურით ტალონების გადაცემის შემდეგ ყოველგვარი რისკი მათ დაკარგვაზე, დაზიანებაზე ან განადგურებაზე გადადის მყიდველზე და გამყიდველი არ აგებს პასუხს ამით გამოწვეულ შესაძლო ნეგატიურ შედეგებზე. მყიდველისათვის გადაცემული ტალონების გამოყენება შესაძლებელი იქნება მხარეთა შორის ტალონების გადაცემის თაობაზე მიღება-ჩაბარების აქტის ან/და სპეციალური საგადასახადო ანგარიშ-ფაქტურის გამოწერიდან. მყიდველს არ აქვს უფლება მოითხოვოს დაკარგული ტალონების სანაცვლოდ ახალი ტალონების ან/და სერვისის გაცემა.

4. ხელშეკრულების მოქმედების ვადა

- 4.1. წინამდებარე ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 12 (თორმეტი) თვის განმავლობაში.
- 4.2. თუ მხარეები ხელშეკრულების მოქმედების ვადის გასვლამდე 2(ორი) კვირით ადრე არ გამოთქვამენ მისი შეწყვეტის სურვილს, ხელშეკრულება ითვლება ავტომატურად გაგრძელებულად ერთი წლის ვადით.
- 4.3. თითოეულ მხარეს უფლება აქვს ცალმხრივად ვადამდე შეწყვიტოს წინამდებარე ხელშეკრულება მეორე მხარისათვის მინიმუმ 5 (ხუთი) კალენდარული დღით ადრე წერილობითი შეტყობინების გაგზავნის გზით.
- 4.4. მხარეებს შეუძლიათ ცალმხრივად ვადაზე ადრე მოშალონ წინამდებარე ხელშეკრულება და მოითხოვონ მიყენებული ზიანის ანაზღაურება თუ რომელიმე მხარე არღვევს წინამდებარე ხელშეკრულების პირობებს.

5. ფორს-მაჟორი

- 5.1. წინამდებარე ხელშეკრულების დარღვევად არ ჩაითვლება შემთხვევა, როდესაც რომელიმე მხარე ვერ ახერხებს თავისი მოვალეობების შესრულებას ფორს-მაჟორული გარემოებების ზემოქმედების გამო, მაგრამ ეს იმ შემთხვევაში, როდესაც ამ მხარემ მიიღო ყველა ზომა, გამოიჩინა სათანადო სიფრთხილე და ალტერნატიული ზომები წინამდებარე ხელშეკრულების შესასრულებლად.
- 5.2. ფორს-მაჟორული გარემოებების აღმოფხვრის შემდგომ მხარეები შეთანხმდებიან ხელშეკრულებით ნაკისრი ვალდებულებების შესრულების ახალ ვადებზე.

6. სხვა პირობები

- 6.1. ხელშეკრულებიდან გამომდინარე სადავო საკითხები წყდება მხარეთა ურთიერთშეთანხმების გზით. უთანხმოების შემთხვევაში დავა განიხილება სასამართლოში, საქართველოს კანონმდებლობის შესაბამისად.
- 6.2. წინამდებარე ხელშეკრულებაში რაიმე ცვლილებების ან დამატების შეტანა შესაძლებელია მხოლოდ მხარეთა წერილობითი შეთანხმების გზით.

6.3. თუ წინამდებარე ხელშეკრულების რომელიმე პირობა გახდა ბათილი, ეს არ გამოიწვევს მთელი ხელშეკრულების ან მისი ცალკე პირობების ბათილობას. ბათილი პირობის ნაცვლად მოქმედებს წესი, რომლითაც უფრო ადვილად მიიღწევა ამ პირობით დასახული მიზანი.

6.4. მხარეები თანხმდებიან, რომ წინამდებარე ხელშეკრულების შესრულების ადგილი არის ქ. თელავი თბილისის გზატკეცილი №13 (გამყიდველის ადგილსამყოფელი).

6.5. წინამდებარე ხელშეკრულება შედგენილია ორი თანაბარი იურიდიული ძალის მქონე ეგზემპლარად, თითო ეგზემპლარი გადაეცემათ ხელშეკრულების მხარეებს.

გამყიდველი:

შპს ბუნებრივი აირი

ს/ნ 231251007

მის: ქ. თელავი თბილისის გზატკეცილი №13
თიბისი ბანკის (თელავის ფილიალი)

ბ/კ TBCBGE22

ა/ა GE10TB0999236020100001

საქართველოს ბანკის (ცენტრალური ფილიალი)

ბ/კ BAGAGE22

ა/ა GE46BG0000000346813200

დირექტორი:

/გ.ქართლელიძევილი/


(ხელისმოწერა)

მყიდველი:

სსიპ „თელავის მუნიციპალიტეტის სოფ. კისისხევის საჯარო სკოლა“

ს/ნ 231263824

მის: თელავის მუნიციპალიტეტის სოფ. კისისხევი

ტელ: +995577292420

დირექტორი:

/ლ.ერგემლიძე/


(ხელისმოწერა)

